

फिलेमोन

1 पौलुस केर ओर ते सगरे, साथी जउन मसीह यीसु क्यार कैदी है अउर भाई तिमुथियुस केर तरफ सगरे हमरे पियारे भाई फिलेमोन। ²बहिन अफफिया, हमरे साथी जोधा अरखिप्पुस अउर फिलेमोन केर घरवा केरी कलीसिया केर नाम।

³हमरे बाप परमेसुर अउर परभु यीसु मसीह केर ओर ते अनुग्रह अउर सान्ति तुमका मिलत रहे।

धन्यवादु अउर पराथना

⁴हम तुमरे उइ परेम अउर विसवासु केर बखान सुन कै, जउन सब पवित्र लोगन केर साथे अउर परभु यीसु पर आये। ⁵परमेसुर क्यार हमेसा धन्यवादु करित हन अऊर अपन पराथना मइहां तुमका यादिव करत है। ⁶कि तोहार विस्वासु मइहां सहभागी होबु तुमरी सगरी भलाई केर पहिचान मइहां मसीह केर खातिर परभावसाली होय। ⁷काहे के हे भाई मोहिका तुमरे परेम ते बहुते खुसी अउर सान्ति मिलि आये। तुमरे जरिये पवित्र लोगन क्यार मन हरे भरे हुइगे हैं।

उनेसिमस केर बदे पौलुस कइहन सिफारिस

⁸इहेलीन जबकि हमका मसीह मइहन बड़ा साहसु तौ है कि जउन बहुते नीक है वहिकी आग्या तुमका देयी ⁹तब्बो मोहि बूढ़ पौलुस कइहां जउन अब मसीह यीसु केर खातिर कइदी है यू अऊख भला जानि परा कि तुम के परेम ते अनुरोध करी। ¹⁰हम अपन लरिका उनेसिमस केर खातिर जउन हमते कइद मइहां पैदा भवा है, तुमते बिनती करित हन। ¹¹ऊ तौ पहिले तुमरे कुछु कामे क्यार नाई रहा पर अब तुमरे अउर हमरे दून्हों लोगन केर बड़े काम क्यार है।

¹²वही कइहां मतलब कि जउन हमरे हिरदय क्यार टुकड़ा आय हम वहिका तुमरे पास लउटा दीन

है। ¹³वहिका हम अपने पास रखा चाहिति रहन कि तुमरी तरफ सगरे ते कैद मइहां जउनी सुसमाचार केर मारे है हमारी सेवा करै। ¹⁴पर हम तुमरी इच्छा केर बिना कुछौ भी करा नाई चाहित कि तुम्हारि ई भलाई दबाव ते नाई पर खुसी मइहां होय। ¹⁵काहे का जानै कि ऊ तुमते कुछु दिन तक के लिए खातिर इहि अलग भवा होय कि हमेसा तुमरे पास रहे। ¹⁶मुला अब सगरे गुलाम केर नाई वरन् गुलाम ते उत्तम मतलब कि भाई केर समान रहे। जउन सरीर मइहां खास करि कै परभु मइहां हमार पियारे हुइ जाव।

¹⁷सो जदि तुम हमका सहभागी समझत हो तौ वहिका ई तना गरहन करौ जइसे हमका। ¹⁸अउर अगर उ तुमरी कउनव हानि किहिस होइ या वहि पर तुम्हार कुछु आवति है तौ हमरे नामे पइहन लिखि देव। ¹⁹हम पौलुस अपन हाथे ते लिखित हैं कि हम आप भरि देबें अउर यहि की कुछ जरूरत नाहिं कि हमार करज जउन तुम पर हैं ऊ तुमहीं हवो। ²⁰हे भाई यू खुसी हमका परभु मइहां तुमरी ओरे ते मिला मसीह मइहां हमरे जी कइहन हरा—भरा कर दिहेव। ²¹तुमरे आग्याकारी होय क्यार भरोसा धरि कै तुमका लिखित है अउर जानित है कि जउन कुछ तुम कहत हो वहिते बढ़िकै करिहो।

²²अउर यहौ कि हमरे लिये उतरै केर जगह तैयार राखौ हमका आसा है कि तुमरी पराथना केर जरिये हम तुमका दै दीन जइबे।

²³इपफ्रास जउन मसीह यीसु मइहां हमरे साथ कैदी हैं। ²⁴मरकुस अरिस्तखुस अउर देमास अउर लूका जउन हमार सहकरमी आहीं इन क्यार तुमका नमसकारु।

²⁵हमरे परभु यीसु मसीह क्यार अनुग्रह तोहरे आतमा पर अइसने होवे। आमीन।